

[Accueil](#)[Revenir à l'accueil](#)[CollectionManuscrits de Jean-Joseph Rabearivelo](#)[CollectionLe dramaturge](#)[CollectionImaitsoanala, fille d'oiseau](#)[ItemImaitsoanala \[TP.IMVM1\]](#)

Imaitsoanala [TP.IMVM1]

Auteur(s) : Rabearivelo, Jean-Joseph

Les folios

En passant la souris sur une vignette, le titre de l'image apparaît.

14 Fichier(s)

Citer cette page

Rabearivelo, Jean-Joseph , Imaitsoanala [TP.IMVM1], s.d..
Claire Riffard, équipe francophone, Institut des textes et manuscrits modernes (CNRS-ENS) ; projet EMAN (Thalim, CNRS-ENS-Sorbonne nouvelle).
Consulté le 20/04/2024 sur la plate-forme EMAN :
<https://eman-archives.org/francophone/items/show/2055>

Description & analyse

DescriptionTexte en malgache, semblable à celui portant la mention "musique de Ratinarivo"
Éditeur(s) de la ficheResztak, Karolina

Informations générales

LangueMalgache
CoteNUM THE TAP IMAITSO VM1, abréviation TP.IMVM1
Nature du documentTapuscrit
Collation14 feuillets multigraphiés numérotés, couverture cartonnée collée orange, 21x30, , 30x20 + autre exemplaire semblable (de 12 feuillets : manquent pages 1 à 2)
État général du documentBon
Localisation du documentFonds Rabearivelo,
Institut Français,
14 avenue de l'Indépendance,
101 Antananarivo
Madagascar

Présentation

Date [s.d.](#)

Genre Théâtre (Pièce)

Mentions légales Consultable sur internet. Copie et impression interdites.

Consultation possible de l'original à l'Institut Français d'Antananarivo.

Contact : brakotomanga@gmail.com

Éditeur de la fiche Claire Riffard, équipe francophone, Institut des textes et manuscrits modernes (CNRS-ENS) ; projet EMAN (Thalim, CNRS-ENS-Sorbonne nouvelle)

Notice créée par [Richard Walter](#) Notice créée le 16/12/2014 Dernière modification le 01/09/2022

IMAITSOANALA, ZANABORONA

Mpilalao :

IVOROMBE, IMAITSOANALA, INGORIA,
ANDRIAMBAOHOAKA.
Vadin'andriana, Mpanarak'andriana,
Tsongavavy, Voron'ala.

FIZARANA VOALOHANY

Nosin-drano voahodidin-jozoro,
Ivorombe mikotrika. Ingoria mamafa trano.
Miaketra mora ny lamba.

- I -

R O D O B E

(any ivelany, mihalavitra hatrany)

Miposaka,e, ny masoandro,
Mifohaza, hoy aho, hianareo,
Fa maraina ho' aho 'zany andro,
Zôvy, hoy aho, hianareo ?

Veloma,hoy aho, ny any Iarivo,
Fa na dia tondraka aza Mania,
Ka safononcka aza Matsiatra,
Izahay dia hody any Iarivo!

IVOROMBE Miala eo am-pikotrehana: foy avokoa ny a tody
afa-tsy iray. Miporitsaka atsy, miporitsaka aroa izy
rehetra. Ny sasany mbela misy vakin'akora.

Mamela kifafa INGORIA, hiara-mifaly sy mandihy.

- 2 -

INGORIA

Nde ho aiza izatsy ravorona ?

R O D O B E

miaraka amin'ny zana-borona

Ivorona inona ?
Vorona asiasy,
Asiasy inona ?
Asiasy vazaha .
Vazaha inona ?
Vazaha Rariaka.
Riaka inona ?
Riaka andro lava.
Andro lava tsy namboly vary !

IVOROMBE

Dihy) Vorona ve, ry zareo !
(Amplanari-manidina ny zana-borona)

R O D O B E

Sikidy tsy nandika lâlana.
Lâlana inona ?
Lâlan'omby.
Omby inona ?
Omby mifahy.
Aiza no ipetrahany ?
Ao am-pahitra.
Fahitr'iza ô ?
Fahi-dRafotsy.
Rafotsy iza ?

IVOROMBE

Ivorombe, ka ikala ireto !
(Tapitra lasa nanidina ny zana-borona).

- II -

INGORIA

(Manondro ilay lamokany)

Mba tsara vintana, Ivorombe:
Atody firay no nokinotrika,
Ka iray memja no nandamôka !

IVOROMBE

IVOROMBE

Manoto vintana Inandamôka:
Natao ho aina kinanjo vato !
Tehirizo tsara fa hatao laoka !

INGORIA

(mamindra ilay atody ho an-tsobiky)

Ho zana-mamba atelin-dreniny,
Ka hiverina an-kibo nitoerana,
Ity natao ho aina kanjo vato!

IVOROMBE

Ny efa tsy izy tsy fanontany:
Ny velona ihany no firesahana,
Ka antsoy kely ireo any an'ala !

INGORIA

(manodidina ny nosy)

Aiza, hoy aho, ilay aina ô ?
Aiza, hoy aho, ilay aina ô ?
(miritsodritsoka manatona ny zanaborona)
Injay, injay, ilay aina ô !

R O D O B E
(any ivelany)

Indreny ho avy aho,
 ilay havana ô !
Indreny ho avy aho,
 ilay havana ô !
(Misy zaza mitomany tampoka ao an-karona.
Midodododo mijery ao Ivorombe sy Ingoria)

IVROMBE SY INGORIA

Gaga anao aho, Randamôka ô !
Gaga anao aho, Randamôka ô !
Natao tsy hanambina, Randamôka ô !
Natao ho vato, Randamôka ô !
Kinanjo olona, Randamôka ô !
(Avoakany avy ao an-tsobiky: zazavavy iray tsara ta-
rehy: mbola misy akora manarona ny sorony ka akipany)

- III -

IMATISOANALA

Aza gaga ô, ilay havana ô !
Aza gaga e, ilay havana ô !
Ondry botry ka dia nariana ô !
Ondry botry natositosika ô !
Kinanjo re nanao kambana ô !
Kambana olona ary vorona ô !

R O D O B E

(any ivelany, manatona ihany)

Indreny ho avy aho,
 Ilay havana ô!
Indreny ho avy aho,
 Ilay havana ô!

INGORIA SY IVOROMBE

Gaga anao aho, Randamôka ô!
Gaga anao aho, Imaitsoanala ô!
Natao tsy hanambina, Randamôka ô!
Natao ho vato, Randamôka ô!
Kinanjo olona, Imaitsoanala ô!
(Tafiditra ireo zana-borona)

- IV -

R O D O B E

(hodidinin'izy rehetra Imaitsoanala sy Ivorombe)

Dihy }

Aza gaga e, ilay havana ô!
Aza gaga e, ilay havana ô!
Ondry botry ka dia nariana ô!
Ondry botry natositosika ô!
Kinanjo re nanao kambana ô!
Kambana olona ary vorona ô!

Aza gaga e, ilay havana ô!
Aza gaga e, ilay havana ô!
Fa atody zary vato fotsy ô!
Vato fotsy saika hariana ô!
Kanjy tonga zazavavy ô!
Zazavavy : Imaitsoanala ô!

RIDEAU

FIZARANA FAHAROA

- V -

Ny toerana teo ihany.
Imaitsoanala manenona - Ingoria Mamoly.
Miakatra mora ny lamba.

ANDRIAMPAHOAKA

(hira lavidavitra, manatona)
Zana-borona itsy anosy,
Zana-borona re, zalahy!
(Mampandry sofina imaitso. Mamela ampela Ingoria.
Mifamory sy mibitsibitsika ny zana-borona)
Voron-kely bary maso,
Noronoro aok'izany !

- 5 -

R O D O B E

(any ivelany koa)
Aiza re, Andriambahoaka ?
Aiza re, Andriananay ?

ANDRIAMBAHOAKA

Zana-borona itsy anosy,
Zana-borona re, zalahy !
Voron-kely bary maso,
Noronoro aok'izany !
(Tafatsangana Imitso. Lasa mitazana. Mitsikitsiky)

R O D O B E

Hoatra an'iza, Andriambahoaka ?
Hoatra an'iza, Andriambahoaka ?

ANDRIAMBAHOAKA

Zana-borona itsy anosy,
Zana-borona re, zalahy !
Voron-kely bary maso,
Zana-borona : olombelona !

IMAITSOANALA

(amin'Ingoria)
Hirahiran'Andriambahoaka,
Kalokalon'Andriamanjaka !
Hirahiran-drobodroboka,
Kalokalon-tolatola !

INGORIA sy ny VORON-KELY
Ka ahoana no havalinao,
Ry Maitsoanala, zana-borona ?

IMAITSOANALA

Hirahiran'Andriambahoaka,
Kalokalony : tolatola !
Hirahiran'Andriamanjaka :
Mandrodroboka sahady !

INGORIA sy ny VORON-KELY
Ho vadin'ny andrian'olombelona
Imaitsoanala , zana-borona !

ANDRIAMBAHOAKA

(re maha-manatona ihany)
Zana-borona itsy anosy,
Zanaborona re, zalahy !
Manofa elatra hiara-dia,
Mamaly hira miantso hoe :

IMAITSOANALA sy INGORIA ary ny VORON-KELY
Sosay lakana (aho) ^{ily}, Andriana
Fa an-dafin-drano !
Ny fo (ko) babo : anao sahady,
Ka avia ^{ny}lao !

R O D O B E
(any ivelany)

Ity rano be manjepizepy
Izay mamafy anao,
Tsy mahafsy na maharo
Ny fitiaka (ko) anao ?
(ny)

IMAITSOANALA
(mitsinjo sy manofa)
Manakaiky, manakaiky
Ny lakanao mandavo herana;
Miandry anao, Andriambahoaka,
Imaitsoanala, zana-borona !
(Tody ny lakan'Andriana sy ny an'ny mpanaraka azy)

- VI -

ANDRIAMBAHOAKA
(eo am-pitodiana)

Ny mororo-drano misy anao
Mitopatopa mora foana;
Tsinjo eo ny bikanao :
Malefolefo toa zozoro !

IMAITSOANALA sy INGORIA ary ny VORON-KELY
(mitsaaka andriana)

Arahaba ihany, Andriambahoaka,
Masoandro tsy roa,
Masoandro tokana ihany,
Andriamba - Andriambahoaka !

ANDRIAMBAHOAKA
Arahaba kosa, Imaitsoanala !
Masoandroko koa,
Masoandroko, Andriambahoaka,
Rodobe - Imaitsoanala, Imaitsoanala !
(mandihy izy roa)

IMAITSOANALA
Eny an-tanety, tsy vahiny;
Ety anosy, tompon-tany,
Rodobe - Andriamba- Andriambahoaka !

ANDRIAMBAHOAKA
Tazan-davitra, nantenaina ;
Manolona:ho an-defi-mandry,
ROdobe - Imaitsoanala, Imaitsoanala !

IMAITSOANALA
Ampingaharambolamena :
Mitraka; fahazavan'ny lanitra;
Miendrika, fanilon'ny tany !

ANDRIAMBAHOAKA
Rodobe - Imaitsoanala, Imaitsoanala !
Mitraka, mampipoitra tsemboka;
Miendrika, mampiontanontan'aina !

(Mandihy daholo ny vahoaka, manantona ny lakana
hitondra an'Imaitso. Mandihy malakolako.)

X R O D O B E

Iahaka ny voahangy roa tsara venty:
Amidy, lafo be;
Avela, endriky ny trano;
Fihaingoa-mahafa-kenatra !

Sady tavin'ny no volony:
Imaitso no anaran'Ikala,
Imaitso - Imaitsoanala !

Tsy handia tany Imaitso,
Tsy handia tany Imaitso,
Imaitso - Imaitsoanala,
Fa vadin'Andriambahoaka!

RIDEAU

FIZARANA FAHATELO

- VII -

Lapa ntaolo. Kianja fikabariana ny tokotaniny.
Miakatra mora ny lamba.

Imaitso sy Andriambahoaka ao an-dapa, ary mpitendry valiha
maromaro.

Misy angoatendam-piandry omby mifamaly any ivelany :

Ay e, lehiretsy o!
Ey e, raha mba lahy e!
Ay e, mba faingana o!
Ey e, tanatanana e!
Ey e, tanan-tokana o!
Ey e, tongotongotra e!
Ey e, tongo-tokana o!

(Tapitra ny valiha. Mitsangana mandihy eran'ny trano)

R O D O B E

Tatamo anie aho, ka tatamo;
Tatamo tany ambady vato:
Ny raviny soa pelapelaka,
Ny tahony soa mahamanina,
Ny voany voa mahareta:
Mahareta fa hiady aminay.
Ny any manao sain-jaza.
Aiza moa, aiza moa re lahy e!

IMAITSOANALA sy ANDRIAMBAHOAKA
Eny e, Ratanivo ! eny e, Ratanivo a!
Samy tanora, samy fotsy nify !
Finaritra e; hanina anareo !
Samy tanora, samy mbola kely !
Finaritra e, hanina anareo !

- 8 -

R O D O B E
(miara-mivoaka)

Eny e, Ratanivo! eny e, Ratanivo a:
Samy tanora, samy mbola vatony !
Rehefa samy any (Finaritrae, hanina anareo !
velany daholo isy)Samy tanora samy mbola vantony!
ehetra.Miditra ny (Finaritra e, hanina anareo !
otsinantsy sy ny
ankiziny samy vinitra.

- VIII -

R O D O B E

Hiangarany :
Homen-trano ,be,
Kanjô sondro-drahona o!
E! hiangarany e!

Hiangarany:
Homen-tanimbary,
Kanjô kitram-bero o!
E! hiangarany ô!

Hiangarany :
Homeny andevo,
Kanjô andevo jamba o!
E! hiangarany e!

VADY vitsivitsy

Mivolon-ko tompony ny mpindran-damba,
Fa ny tompony ihany no hitondra azy!

VADY vitsivitsy hafa

Tapataba foana no an'ny sahona
Fa ny tsiboboka no tompon'ny rano!

R O D O B E

Alao re ny lambantsika
Fa idolân'ny mpindrana azy:
Dihy - Idolany amin'ny antsika !
Atoseho re ilay sahomboraka !
Vahiny an-drano ka mba maneho !
Ibohibohizo ho leo any !

IMAITSO sy ANDRIAMBAHOAKA
(any ivelany : manatona)

Eny e, Ratanivo! eny e, Ratanivo a!
Samy tanora, samy zazabodo !
Finaritra e, hanina anareo !
Samy tanora, samy maitso volo!
Finaritra e, hanina anareo !
(Mirifatra ny Fotsinantsy sy ny ankiziny.
Tafiditra ry zareo).

- 9 -

- IX -

IMAITSO sy ANDRIAMBAHOAKA
ary ny mpitendry valiha.

Any e, Rataniva! any e, Ratanivo a:
Samy tanora, samy mbola ampy !
Finaritra e, hanina anareo !
Samy tanora, samy mbola ampy!
Finaritra e, hanina anareo !

IMAITSOANALA

Raha tianao aho, hoy aho,
Ny halainao ho ahy, hoy aho,
Ny sopanga tera-bao, hoy aho,
Hisotroako ny songo, hoy aho,
Fa vory ny vahoaka.

ANDRIAMBAHOAKA sy ny mpitendry valiha.

Ehe !
Ny tsy ahy, ny tsy misy, hoy aho,
No ambaranao (ahy) !
(azy)

IMAITSOANALA

Angolam-pitia, hoy aho,
Haitraitra foana, hoy aho,
Fa tsy tena zavatra, hoy aho!
Angolanga, hoy aho,
Fa vory ny vahoaka !

Dihy.....)

ANDRIAMBAHOAKA sy ny mpitendry valiha.

E! roy!
Fantapanta (trô) ihany, hoy aho,
(ny)
Fa izany tokoa-trany e!

ANDRIAMBAHOAKA

Imaitsoanala, Imaitsoanala,
Hodidino ny lapanao,
Jereo ny hadion'ny tsihintsika:
Izany eo raha amin'ny tara-bolana!

Izany eo raha maneno akoho!
Jereo ny famindroana:
Raha tonga aty ny rivo-drano,
Mitaria, mifambomba eo !

(Mamdeha miaraka amin'ny mpanaraka azy)

Imaitsoanala, Imaitsoanala,
Hodidino ny lapanao,
Jereo ny hadion'ny tsihintsika
Jereo ny famindroana!

Izaho hanorina transe be;
Izaho handrefy tanimbary,
Ho saram-pitia ry Maitsoanala!
Indreo ny tsongavavirano.

(Miditra ny tsongavavirano - Iasa Andriambahoaka)

- 10 -

- X -

TSONGAVAVY
(miara- mitsaoka an'Imaitso)

Arahaba, Imaitsoanala
Sarasara, Ravavisoa
Natera-borona ary elatra
Mba ho an'ny Andriananay!
Arahaba, Imaitsoanala!
Sarasara, Razanaborona!

IMAITSOANALA
Zana-borona, Imaitsoanala,
Zana-borona, saingy olona
Ary koa tsy ary elatra !
O! ray tsonga-tsongaviny :
Mananan'elatra izy imao
Fa mambomba an'Andriambahoaka !
TSONGAVAVY

Arahaba, Imaitsoanala!
Sarasara, Ravavisoa
Natera-borona.....!
(Mangina tampoka izy rehetra, mifify fatratra mitazana
any ivelany ahatongavam-peo mihira manatona manao hoe:)

Imaitsoanala iry e! Imaitsoanala iry!
Nahoana, hoy aho, no dia tsy mba mitsiditsidika?
Nahoana no dia tsy mba mijerijery ?
(Mangovitry Imaitso - manodidina azy ny tsongavavy toa
vonon-kiaro azy.
Miverina ilay hira any ivelany. Efa tena akaiky:)

Imaitsoanala iry e! Imaitsoanala iry!
Miditra Ivorombe... (Nahoana, hoy aho no dia tsy manoin-dreny ?
(Nahoana no dia tsy mitsena reny ?

- XI -

(Mifikitra mafy amin'ny tsongany Imaitso, nefa milefa
avokoa ireo).

TSONGAVAVY (eo am-pandosirana)

Veloma hianao, ry Maitsoanala!
Masina hianao, Ravavisoa!
Tera-borona masiaka hianao,
Saika hamandrihana ny Andriananay!
Veloma hianao ry Maitsoanala!
Masina hianao, Razanaborona!

IVOROMBE
(manenjika an'Imaitsoanala)

Imaitsoanala ity o! Imaitsoanala ity!
Nahoana, hoy aho, no dia mandosi-dreny
Sy manifika ny kibo nitoerana ?

IMAITSOANAIA
Inenivorona ity o! Inenivorona ity!
Tsy fanifihan-kibo nitoerana akory,
Fa fitiavam-bady - vady mpanjaka !
(Voatanan'Ivorombe izy ka tsy afaka)

IVOROMBE (tezitra fatratra)
Akay re ity ilay ratsy vintana ity !
Vady mpanjaka, hono, vady mpanjaka!
Vady mpanjaka no hanamavoana
Ny reny nitaiza tany anosindrano!
(Esoriny ny voamason'Imaitso, endahiny ny hodiny, dia
lasa izy mitondra izany sady mihira :)

Soa ny masony tsy hahita soa,
Soa ny hodiny tsy hamono ny taolany!
Maso tsy te-hijery ny reniny !
Taola-manadino ny nitondra tan-kibo!
(Lavo Imaitso. Saronany lamba ny tenany manontolo fa
menatra izy.
Miditra ny fotsinantsy.)

FOTSINANTSY
(mandihy manodidina azy)

Niangularany :
Nomen-tranobe,
Kanjo sondro-drahona o!
E! goana maso e!

Niangularany:
Nomen-tanimbary,
Kanjo kitram-bero o!
E! mandry aman-tany e!

Niangularany :
Nomeny andevo,
Kanjo andevo kaosy o!
E lasa nilefa e!

IMAITSOANALA
(Tsy sahy miarina, manafin-tarehy mafy. Ny Fotsinantsy
kosa: misofika mandihy manodidina azy)

Ry maro mirahavavy o!
Ry zokiko tetoana o!
Tsontsa anie Imaitsoanala o!
Resy anie Imaitsoanala o!
Tsy nangalatr'omby anie aho e!
Tsy nangalatr'olona aho!
Tsy nihady fasana aho!
Tsy nisakan-dalana aho e!

Fitia no nifamaly anie,
Ary vady no narahina anie!
Ry maro mirahavavy o!
Ry zokiko tetoana o!
Aza mandatsa vorona azo e!
Aza mandihy ambony resy e!
Tsontsa anie Imaitscanala o!

FOTSINANTSY
(mandihy indray)

Irony hazo eny Andrarakasina,
Ny mirona : aza mba tanana,
Ny mohaka : aza tohinina,
Ny meloka : aza tambinina!
Aza kanto fanambitamby ny ratsy,
Fandrao tsy tian'ny soa ho jerena!

IMAITSOANALA
Ry maro mirahavavy o!
Ry zokiko tetoana o!
Tsontsa anie Imaitscanala o!
Resy anie Imaitscanala !

FOTSINANTSY (mifampitantana mivoaka)

Aiza ka vadin'Andriana,
Ka ho goana ny masony roa,
Ho taolana sisa miampatra!
Antsoy re ny vahoaka!

Antsoy hamosika an'io,
Fa sao ny Andriana azon'ody,
Ka tsy afaka amin-dRakelajamba,
Tsy afaka amin-dRataolampotsy!

IMAITSOANALA
Aza mandatsa vorona azo e!
Aza mandihy ambony resy e!
Tsontsa anie Imaitscanala o!

(Tapitra tafavoaka ny Fotsinantsy)
Resy anie Imaitscanala o!

(Mihira manatona indray Ivorombe)
Imaitscanala iry e! Imaitscanala iry!
Nahoana, hoy aho, no tsy mitsiditsidika?
(Tafiditra izy eto)-Nahoana no dia tsy mijerijery ?

IMAITSOANALA (miariv-doha)
Inenivorona izao o! Inenivorona izao!
Taolam-potsy ve ho afa-mitsiditsidika ?
Masoko goana ve hahay mijery anao ?

IVOROMBE

(Manatona an-ianany, manarina azy dia namerina ny masony
sy ny hodiny amin'ny toerany)

Imaitsoanala ity o! Imaitsoanala ity!
Te-hamay anao fotsiny anie aho teo e!
Fa tiavo ny vady, tiavo koa ny reny !

IMAITSOANALA
(mitsangana, mamihina an-dreniny)

Inenivorona ity o! Inenivorona ity!
O! ry neny tsy nahitako masoandro
Raha tsy vao izao: misaotra e!
(Misy feon'anjomara sy amponga hatraiza hatraiza.
Misy feo mioraka aminy hoe:)

Antsoin'ny Andriana, antsoin'ny Andriana!
Andao, andao hankany an-kianja!
Misy kabary, kabarin'Andriana.
Ant an-kianja, daholo, daholo !

(Mifampijery izy mianaka. Ibitsibitsihan'Ivorombe Imaitso,
dia miverina mandry indray io sady manafin-tareny, misaron-
damba hatrany am-paladiany toy ny teo.

Mitsoriaka Ivorombe.
Misy olona miredorodo. Tonga.
Tonga koa ny Fotsinantsy, mirebika.
Tonga koa Andriambahoaka, mipetraka tsy sazoka, hodidinin'
ny vady fotsinantsy.)

- XIV -

(Mangina ny vahoaka, dia mitsaoka andriana).

Sarasara tsy am-baka, tempoko e!

ANDRIAMBAHOAKA (kivy dia kivy)
sy ny FOTSINANTSY
Sarasara !

(Maka toerana ny vahoaka. Mifampijery ny Fotsinantsy,
manondro molotra an'Imaitso mbola mitsotra anaty lamba)

Ry maro miahavavy o!
Ry zokiko tetoana o!
Tsontsa anie Imaitsoanala o!
Resy anie Imaitsoanala o!

Tsy nangalatr'omby anie aho e!
Tsy nangalatr'olona aho !
Tsy nihady fasana aho !
Ka hamoriam-bahoaka e!

(Mifampijery ny vahoaka)
FOTSINANTSY

Nantsoina ny fehin'ny atompon-jato,
Nantsoina ny fokon'ny atompon'arivo,
Fa mila hisaron'aizina izao ny masoandro,
Ary mila hisinda hatrany ny volana,
Fa he azon'ody ny Andriamanjaka!
Voan'ny mosavin'Imaitsoanala
Ka mila hanazimba ny razana an-tany,

Ary mila hanitsaka ny velona etoana!
Imaitsoanala norantovina lavitra:
Tarana-borona sady goa-maso,
Sady tsy inona fa taolam-potsy,
Nefa ataony hifehy fanjakana
Sy hanariana anay Marovavy,
Ka ombay mitsara re, ray vahoaka!

(Mihorika amim-pahatezerana ny ambanilanitra. Izy marovavy manatona an'Imaitsoanala - ny vahoaka koa. Tampoka, mitsangana Imaitsoanala. Akipany ny lambany, mitsiky izy ary mi-hazakazaka miantsampy amin'Andriambahoaka. Mihorika indray ny Ambanilanitra - nefa amim-pifaliana lehibe. Izy marovavy mifampijery: gaga, kivy - Miara-mandositra).

- XV -

R O D O B E

(Miaraka amin'Anjomara sy amponga ary rebika)

E ! roy e !
Izay maharitra re, ry Imaitsoanala e!e!
E ! roy e ! !
Izay maharitra, mahavaky betroka e! e
E ! roy e !
Izay maharitra re, ry Imaitsoanala e! e
E ! roy e !
Izay maharitra, mandresy rafy e ! e
E ! roy e !
Izay maharitra re, ry Imaitsoanala e! e
E ! roy e !
Izay maharitra vadin'andriana e ! e

(Mandihy)

- Mampisikina an'Imaitsoanala ny sasany-

Asikin' tsara ny lamba (^{nao}/_{ko}) ,
O! ry Maitsoanala a !
Tsara sikina ve ny lamba ?
Tsara fetra ve ny kibo ?
I e, asikin' ny lamba (^{nao}/_{ko})
O! ry Maitsoanala a !

Ny kibon-drafy anie
Tsy mba mangoraka;
Ny vavan-drafy anie
Tsy mba mitsetra e!
I e, asikino tsara ny lamba (^{nao}/_{ko})
O! ry Maitsoanala a !

E! e!
Izay maharitra, ry Maitsoanala e!
E! e!
Izay maharitra, vadin'andriana e!

- R I D E A U -